

宋

會

要

全唐文

宋會要 市糴糧草

紹聖元年八月二日詔權貨務支末鹽錢四十萬貫令戶部給降解鹽引付陝西路轉運司乘今夏鹽穀收糴又支末鹽錢京鈔四十萬貫付河東轉運司收糴以其半作朝廷封樁餘充轉運司年計十七日三省言河北糴使司所管州軍收貯糧草除帥府纜及五年外餘止收糴三年所積數少無以為備詔令戶部依舊條逐年兩次給降交鈔共二百萬貫仍自今年為始付提舉糴使司分給州軍乘時廣行糴買候鎮定瀛州及十年餘州及七年之蓄即依元祐七年二月一日指揮九月十

三日三省言河東路今秋豐稔沿邊州軍五年之蓄當
以時計置詔令戶部支末益錢五十萬貫依例對撥印
給京鈔付河東轉運司沿邊豐殷州軍糴買十月五日
詔陝西轉運司給鈔以糴買沿邊糧草為五年之儲二
年七月十日尚書省言江淮荆浙等路發運司言今後
本司糴到斛斗並不許諸處官借兌支用本司亦不得
承例借支雖準朝旨借兌亦許本司執奏占_留從之三
年三月八日汪原路經畧安撫使呂大忠言乞沿邊次
邊糴買召農民願結報預借官錢一半依_此稅限催科餘
錢候夏秋時以市價貴賤估定寔直告諭隨所輸貼納
從之四月十三日詔罷河北提舉糴使司就差提舉河

北路糴便糧草王子京同措置糴便以兩司就糴枉增
價直動多相妨故也十七日詔香樂庫等處應出賣之
物給公據募商人沿邊入中糧草赴戶部筭請十月八
日詔內藏庫特賜銀絹各二十萬市糴河東汪原熙河
路糧草以廊延路經畧司呂惠卿言今西賊侵邊本路
場功未畢西自園林東至青澗皆遭焚蹂將來糧草必
乏乞特從內庫賜銀絹令轉運司早儲備邊故有是詔
四年二月四日樞密院言邊防糧草須經畧司轉運司
公同相度自來諸路調發軍馬不豫計所在糧草多寡
以此不免闕乏致轉運司倉猝以肯瀆糴買或自近裡
搬運枉費材用虛勞民力又自來糴買糧草經畧轉運

司各自置場競爭價直互相違戾致糴買不行詔陝西
河東經畧司應過調發軍馬並先契勘於有糧卓處駐
劄如轉運司糧卓不足許借諸司封樁糧卓或先樁錢
糴買借用九月四日三省言聞懷衛州今歲豐稔米穀
價賤恐盡歸兼并之家詔河北轉運司措置糴便司西
路提舉常平司以時計置糴買五日三省言陝西路沿
邊州軍秋田收成慮闕糴本詔於元豐庫支封樁錢四
百萬緡令戶部依例印給解盪引付陝西轉運司下諸
路乘時糴買元符三年八月七日徽宗即位
未改元詔以內庫
銀絹二百萬賜陝西轉運司糴買糧卓十二月二十一
日尚書省言河北東陝西路今歲豐稔有物力之家多

願入中斛斗以官其身欲河北路諸州軍令措置糶便
司河東陝西路令邊路女撫司召諸邑人情願入納斛
斗在本處以市寔直紅細算價錢內陝西河東路以銅錢
分數紅細算候納足本州限一日具狀休報明聞奏出給付
身誥牒並與免試注官如未願恭部亦聽從便仍不以
歲月登革其納到斛斗作朝廷封椿準備移用從之徽
宗建中靖國元年二月十四日詔以內藏庫錢百萬緡
及諸路提舉常平司錢共百萬緡應副河北糶買大觀
三年十月五日上批河北鑄錢鑿所鑄夾錫當貳錢除官
本廩等錢外將所收到淨利錢並依先降指揮盡數支
撥付糶便司品搭計置沿邊年計糧草支用疾速行下

四年正月十八日河東路提刑司言本路緣極次邊難
得斛斗乞令轉運司計會一年合用寔數於近裡州縣
封樁斛斗處支破封樁錢和願脚乘般運赴極次邊依
元窠名封樁如闕年計糧斛即乞先備見錢依元價并
支過脚錢充糴支遣將充到錢候來歲收成起時糴買
却充朝廷封樁之數詔依仍以充時市價先備見錢充
俵諸路官司充撥斛斗並依此政和元年七月九日詔
諸路合用斛斗比年漕司多不乘時計置糴買甚有闕
用去處訪聞今歲豐稔除三路已別降指揮外餘路仰
轉運司疾速措置錢本廣謀儲蓄仍候糴日各限一月
具一路歲用糧斛受納秋稅并收糴到物數多少分明

立項開具申尚書省類聚進呈其收糶數多歲用有餘者當議別加旌賞若玩習苟簡不切究心計置致有闕候者不以去官赦降必定重行黜責九月十七日臣僚言今歲大稔宜再令廣糶以備九年之蓄乞責諸路轉運常平其糶取指置收可失時及糶買不廣者於歲終考較務令盡心二年五月二十日中書省言諸州軍慶缺少軍糧欲下諸路漕司令諸州軍自今歲春首約本州置場收糶之數委諸路提舉司支用不足即均分管下縣分各置場糶買盡時又給價錢并就立阻節及抑配科率刑名從之六月十五日尚書省言諸路今歲二麥登穀將未秋成有望須令廣行糶買詔京畿諸路提舉提刑司取今年以前五年

中一年糴最多之數加倍收糴將來秋穀以此仍與諸司共作一場糴買本司應管及朝廷諸色封樁錢除留合支用錢數外並取撥充糴本仍每月具已糴到數中尚書省及常以新易舊不管陳損五年二月二十二日熙河蘭湟路經畧安撫使司言轉運司趙佶支到糴本錢物並已逆旋糴買糧草應付至去年十月終自十一月已後大段缺乏將封樁糧斛借撥支用本路十一州軍並管下關城堡寨歲用糧一百二十餘萬願合用本錢浩瀚趙佶糴買止應付得去年十月終支用今來糴買已足過時物價漸增設轉運司應付到錢物不克亦隨即目價例計置欲下權茶司依元糴價兌撥所糴斛

斗付轉運司應付年計軍糧却將權茶司合應付轉運
司額錢除撥魚乙早令漕臣一員疾速前來本路將一
應副所責辦集詔茶馬司於封椿錢內支一百萬貫仍
令具羅到數目支破本錢聞奏訖委官點檢所已糧食
依奏三月十五日熙河蘭湟路經畧安撫使司奏轉運
副使趙佺支到諸州軍糧本錢物並已逆旋羅買糧卓
應付支達至去年十月終自十一月已後大段闕之寔
恐有誤國事詔熙河重地當罷兵無事之際尚爾闕之
緩急何以枝梧漕臣不可暫闕仰吳亮專一應付本路
限指揮到日下起發魚程前去多方剗刷羅本措畫糧
買趙佺已起發錢鈔一百五十八萬貫仰吳亮交割督

促措畫施行具次第應付逆斛斗糴本數奏二十一日
中山府路安撫司張果言奉詔再令具本路糧草_的實
數目今通計到本州府軍寨一十處人糧月支八萬六
千五百九十一碩歲支一百三萬九千九百_五碩本路
共有年計五十四萬七千二百_六十_九碩并諸司封樁
九十五萬四百三十五碩通計止有一百四十九萬_七
千七百四_四碩若準備二年之數計闕五十七萬八千四
百八十碩三年之數計闕一百六十一萬七千五百七
十二碩馬糧月支一萬八千七百九十八碩歲支二十
二萬五千五百七十六碩本路共有年計九萬六千八
百五十碩并諸司封樁八萬九千六百九十八碩通計

止有一十八萬六千五百四十八碩若准脩二年之數計闕二十六萬四千六百四碩三年之數計闕四十九萬一百八十碩草月支一十七萬五千三百四十束歲支二百一十萬四千八十束本路共有年計一百一十八萬一千一百八十八束并諸司封樁一百五十九萬九千七百七十束通計止有二百七十八萬九百五十八束若準備二年之數計闕一百四十二萬七千二百二束三年之數計闕三百五十三萬一千二百八十二束詔尚書省應副糴本須管令具三年之數二十七日詔陝西河東遼路經畧轉運司今後將遼州軍合用糧草預行拋降寔數及頒行給降錢物嚴責糴官須管依

條赴時盡本糴買數及元拋之數其糴價仰所屬旅糴
度市價增減限滿帥司開具元拋若干已未糴買數目
已支見在糴本糴官職姓名聞奏當議重行責罰違者
並科徒二年之罪五月十五日陝西計度發運使吳亮
言奉朝官_旨於茶馬司封樁錢內支一百萬貫應副熙河
路糴買仍令具糴到數日支破錢本聞奏準樵茶司支
到商糴等處錢一十萬餘貫散在諸處難以收簇兼其
餘七十餘萬貫稱已閑糴永興秦鳳兩路若等候兩路
提舉司旋行剗刷必恐後時望特降睿旨下樵茶司於
近便熙河路去處速急撥茶司諸般錢依準指揮支降
一百萬貫赴時糴買不致有悞邇用詔茶事司數不及

充一併格

即令常平司貼足其數六年十二月十四日詔諸每歲
夏秋收成之時轉運司據計不足之數前期報提常平
司以本司錢置場收糴遇轉運司少聞聽以見錢對行
充充支用若轉運司歲用數足即以新易陳兌樁如法
從臣僚請也八年五月三日詔邠州積單二十餘萬支
用數少歲久陳腐仰本路轉運司差官檢察出賣其錢
封樁候秋成收買新單以備儲積六月二十二日兩浙
提舉常平司言奉詔浙趙霖開修平江府水利度牒六
百二十四道及承節將士郎承信郎官詔共一百道支
撥付徐鑄應安道收糴米斛除已支付逐官外見管承
節郎詔一十道將仕郎七道承信郎二十三道本司見

關本錢收糶米斛欲乞許令拘收前項餘剩官詔四十
三道及已賣價錢應付收糶從之宣和元年九月十五
日河北轉運司沈積中言河北路秋田豐稔倍於常歲
正宜乘時檢糶以廣儲蓄以惠農民恭覲近降詔處分
淮浙荆湖應諸司封椿錢物量留合用外速開場收蓄
仍令常平司將青苗并積欠以一半增價折納斛斗望
令河北路常平保甲等諸司亦遵依上項指揮施行從
之二年四月十二日發運付使陳亨伯奏奉詔專應付
六路和糶自今歲為始和糶一百萬碩及令參酌舊制
條畫措置乞降指揮宣和元年二年合糶米共百二萬
石並於今年收糶足數同年額般運於十月內到京詔

東南和糴本錢合依已降指揮應係上供及朝廷封樁
並行截撥仍許通融取撥不足卽通融別路錢應付五
月九日詔今歲諸路豐稔應見和糴官司疾速趁時收
糴如遇時當議重行點責十三日詔自今陝西糴買帥
司及州縣城寨等處官吏如敢緣糴事徇私意公受請
託乞取錢物攢換變轉故損糴價詎名借本停塌入官
強糴攪拌低估贏畧計會中納放債尅除若抑勒軍兵
賤買交旁復用轉教搭帶大量不上亦屬詐作客人中
官及在任者冒法入納並以監守自盜論挾私邀阻鼓
惑扇搖者以違制論本法重者自從重仍加一等坐之
具奏奏裁并不以赦降去官自首原減各許人告流罪

以上每名賞錢一千貫餘罪五百貫先以官錢代支從
臣僚請也二十五日詔泛給香樂鈔并告勅補牒度牒
師錦茶衣共二百萬貫付河北糴使司廣行收糴以備
儲蓄全在州軍出力乘時計置迺無闕事仰提舉官陳
邁候將來依條限住糴日比較逐州軍知通及所委糴
官首先糴買了足或收糴數多保明聞奏當議重行旌
賞或弛慢不切用心收糴數少即重行責罰十月一日
詔東南歲糴累降指揮支撥本錢如尚不足特許兩浙
江南荆湖路學費錢內共取撥五十萬貫相兼^時賑^賑
糴於近封樁減省學費內捐除仍委徐鑄趙億同共總
領措置十二月十二日河東路轉運司侯並言本路豐

稔漕司缺少糴本令諸司與漕司同共相度將應干見
在錢物來時收糴忻代州一帶比控胡虜尤宜謹備已
令漕司量將近裡州軍諸司錢物挪移應付糴買却以
原價兌糴支用或乞量事支降錢本廣行儲蓄從之三
年三月四日江浙淮南等路宣撫使童貫言望下轉運
司自今後計諸州歲用之外所餘錢數併就豐殷地分
依條委官置場和糴不得令州縣認受數目以免科率
之弊從之二十日詔諸司糴買軍儲不容濫息條禁甚
明近歲奸弊百出往往糴以糠粃灰土致虧諸軍糧食
檢會糴買條法嚴切申明行下仍仰庶訪使者覺察聞
奏七月十二日詔沿邊今歲禾稼滋茂若不先時廣行

糴買則利歸兼并官失儲蓄可契勘合行糴買州軍歲
額給降錢物限七月半已前湏管支撥足數十二月二
十日發運副使林虎言諸路歲糴封椿上供斛斗依聖
旨許用學費錢字定帖封椿上供等鈔糴買檢點諸州
縣將逐色糴本別行支用既不作糴本又失上供欲據
諸路向收到逐色合充糴本名色每路委漕臣一員專
切置籍拘催只得分收糴上供封椿斛斗照令中書省
每路選委漕臣一員專切置籍拘催應輒允借支使者
並以違御筆論四年二月十八日詔雄州先承糴使司
拋下歲糴軍儲有自政和八年至宣和二并客人民戶
拖欠未納斛斗逐州為見糴使糴司舉發頓行拘糴例

將元攬人戶監餉估賣財產籍沒家計以償欠數往往
逃移星散事干兩輸地分深屬未使仰英雄州限指揮
到將所欠斛斗人戶特與特限三年送納沿邊州軍准
此六年五月九日汪原路經略安撫司席貢言汪原一
路川谷平坦皆以天都諸山利害必爭最為衝要自來
朝廷積糧備禦深契事機乞以本司封樁銀絹和糴斛
斗充邊用從之七年三月二十三日詔天時佑順年穀
向登當廣儲積蔡河撥發司淮南轉運司可各支降糶
本一百萬貫逐司於推貸務樁留見錢四十萬貫給降
度牒紫衣師師二十萬貫於宣和車支降新法鈔四十
萬貫就豐縣慶和糴小麥馬料以十分為率七分小麥

三分物料江西湖南淮南兩浙路分預降糶本五十萬貫
逐司各給降度牒紫衣師師二十萬貫於宣和庫棧留
見錢并支降新法鈔各三十萬貫候將來秋成於豐稔
處和糶糶米計置起發並令吏部差使臣每司各兩員
管押前去交割並令所屬逐旋具糶買到數目色額并
元糶價錢申司農寺每月申尚書省每五千碩即差官
監量見的寔數封所糶斛斗以雖盛糶附綱先次送司
農寺收掌蔡河撥發司淮南兩浙西江湖南路轉運司
各權添差糶買官一員逐州委見任官一員同共管勾
候糶買了日罷二十九日詔蔡河撥發司江西湖南淮
浙轉運司先降糶本五百二十萬和糶斛斗內有度牒

崇衣師辨切慮糶米官司循習舊弊為科配騷擾民
戶並出賣見錢和糶人戶中賣斛斗願支折者聽如輒
敢科配官並流三千里仍許人戶越訴若糶本有缺即
具實缺數目申尚書省九月二十八日詔兩浙歲豐糶
異常米穀價賤本路漕司就豐饒州縣選官置塲收糶
所有本錢於諸司不以是何窠名見錢並借充糶本糶
到斛斗各隨所借司分依舊收係別教封樁不得支動
候漕司逐旋到本錢方聽交兌十月十六日發運判
官陸寘言近預降度煤崇衣師辨并見錢新法鈔每路
八十萬貫於江西湖南淮南兩浙路和糶糶米望專責
逐路漕臣趁此秋成盡數變轉糶買起發詔令逐路漕

臣不候尚書省一面均撥糴本併數廣行收糴疾速裝
發上京十二月六日兩浙轉運副使程昌衡言本路收
買除見錢外有拋降度牒香樂文鈔各人中買與見錢
收買不同乞自今後諸路應用度牒文鈔糴買並不得
收分文願于市朝等錢從之十一日太宰白時中等言
河北西路見今計置糧斛以備屯軍乞添濬濬臣四員分
路管幹各支銀二十萬兩絹一十萬匹付差所官從之
十五日詔河北已專委帥臣措置收糴其四路添差漕
臣指揮勿行二十二日詔減掖庭用度侍從官以上月
廩罷諸兼局有司據所得數撥充諸路糴本及募兵賞
軍之用欽宗靖康元年五月十五日臣僚言湖南江西

自二稅外歛於民者不知紀極名曰和市不酬價直寔
掠取之如此名件未易殫舉夫和糶之行如此民安得
不因且竭乎若國家多事之初夏秋二稅不足不免和
市則降寔直付之漕臣詔令今後糶買約價直錢十九
日河北河東路安撫司言朝廷近興復陝西解鹽鈔河
北糧草鈔已令權貨務過數裝給鈔本遇客人投錢即
時支給所有未降新鈔已前逆路給降過糶本錢公據
文鈔亦已措置支還商估賈以示大信詔未及見錢公據
文鈔令權貨務支還同日尚書倉郎負外郎黃諤言河
北民力重困乞勅本路應和糶錢有不支還及妄有除
尅並從舉劾送獄治罪知通監官與帥臣監司失劾亦

史科罪從之二十八日詔東南六路神霄宮金銀器皿
並令發運司翁彥國收充糴本從漢陽軍申請也十
月十二日詔今歲豐稔粒未狼戾但可就逐處增
價收買不得輕議般運以稱恤民之意高宗建炎元
年十月十四日通判撫州權州事張思永言江浙米糴
豐歉若至時支撥官告度牒紫衣師牒下諸州出賣收
糴糧斛竊慮臨時收糴不前昨江浙及諸路勤王不到
京畿人有已前拘截諸司錢物應付支用不盡錢物未
有歸着欲乞限一月結絕盡數收糶撥充逐路漕司收
糴御前軍儲從之十二月二十五日詔令行在戶部支
銀二十萬兩緡一十萬匹付兩浙提刑司分劈於浙流

州縣置場收糶封樁聽候朝廷支用以提舉一行事務
黃潛厚奏二浙道路未通客旅稀少即日糧價低小望
支錢本委本路漕臣廣行計置令發運司差綱般發上
京送納故有是命二年正月二十七日詔以京師闕米
令權貸務於樁下河北路寄糶斛斗錢內支錢五十萬
貫委宗澤置場收糶仍下兩浙江淮路轉運司出榜曉
示客旅通行知委五月五日江西提刑司言准尚書省
劄子東南神霄宮近有賜田房錢并諸處贍學錢甚多
自合根括拘權就東南計置銀絹前未應副國用本司
專委度洪等州軍根括拘催施行外契勘諸州縣所收
贍學錢係發運司拘收專充糶本今未即未審合與不

合依今降指揮却行計置銀絹起發乞明降指揮以憑
遵守施行詔且令更作糶本一年三年八月四日詔兩
浙并江南西路今歲豐歉令三省支依糶本付逐路轉
運司廣行收糶於穩便州縣別項封管非奉朝廷指揮
不得擅行支用七日倉部員外郎張誼奏被旨前去平
江府等處來往檢察收糶糧斛勘會浙西州縣自來本
州及提舉轉運發運司各有收糶斛斗價直不相照應
欲乞依今降指揮一場收糶若州軍或他司合要米斛
支使却令本司紐定元價及官史糜費等錢令諸司齊
見錢中朝廷赴場乞糶從之紹興元年七月三日宰執
奏事上問昨夕間已糶新米與少減價否張守奏有人

自浙西來前此每斗一千二百者今減作六百上大喜
曰不但軍不乏食自此可免餓殍在細民豈小補當須
及時廣糴以備歲月宗尹已下奉詔十月十七日監察
御史福建路撫諭胡世將言乞支降度牒一千道赴本
路轉運司出賣依市價收糴糧斛詔依十二月二十三
日臣僚言發運副使宋輝申請見任官招誘糴到米斛
乞引用建炎四年十一月二十四日指揮每糴二千五
百碩減一年磨勘昨來見任官收糴米斛每糴十萬石
有轉官之賞蓋謂監倉官依市價糴買別無獎俸即該
此賞誘致親民之官使之剝刻也况輝元乞令有力之
家結攬糴米據數第賞今乃設招誘措置之名使州縣

官貪賞害民其可乎。兼朝廷元委糶米十五萬石。若從
煇所立賞格計減六十年。磨勘合轉十五官。今來諸司
糶買頭項非一人。援此為例。則朝廷爵賞豈不泛濫。每
望寢罷。見任官糶米賞格措置施行。詔令宋煇將價直
低小去處量行增添。各人結攬收糶。見任官賞格並罷。
其任糶買官。今來煇量支食錢。仍嚴切約束。受納官司
不得收耗。接使搔擾。二年二月六日手詔。昨降官告度
牒糶買軍儲緣有司定價太高。無人承買。以此未支。逐
人戶價錢甚眾。而和糶徒有虛名。訪聞秀州崇德嘉興
兩縣度量損減。與米價相當。民未病糶。是能體國恤民
者。可委本路憲司保明詣寔。具名聞奏。當議推賞其餘。

州縣令依依施行無致怨讟流於道路以塞朕懷仍出
榜曉諭五月二十二日詔江東西各糴一十萬石委淮
促物帛郎將合起發應付如不足於俞偆榷貨務錢內
貼支江東於建康府江西於饒州封樁其糴買日限及
應干合行事件並依兩浙已得指揮施行十二月十九
日詔吉州榷貨務支錢二萬貫應付岳州將充糴軍糧
支用三年四月九日戶部尚書黃叔敖江浙荆湖廣南
福建路都轉運司張公濟兩浙轉運副使梁汝嘉言被
旨給降空名官告於浙西州軍勸誘博糴米五十萬石
馬料一十五萬石內馬料如大麥不足許以秣米充代
叔敖等欲從朝廷分遣官各認一州同運州縣守令體

度寔有斛斗之家隨力勸誘博糴更不_編及下戶今條
畫下項一今來糴買糧斛只於富寔積藏之家不拘官
戶編戶一今來先於約度到州軍舍分認博糴平江府
米一十三萬八千石_碩料三萬七千五百石_碩秀州米一十
一萬石_碩料三萬七千五百石湖州米一十二萬五千石
料三萬七千五百石_碩常州并江陰軍共米一十二萬七
千石料三萬七千五百石一今來勸誘博糴米斛與泛
常降告糴買不同理宜優假欲依例作奉公體國宜加
獎錄特授某官不作進納理為官戶仍理選限候參部
日與免試注官未至八品其父及子並依八品法用蔭
及令吏部出給公據付變轉糴買州軍驗實書填並許

轉易回較行使一今米所降官告度煤等各比舊價錢
減定錢數及高立米價博糴其率先中糴米斛數目最
多之家除依價支還官告度煤紫衣師師外仍許叔教
等具中高書省乞朝廷特予旌賞以為忠義之勸一諸
州縣受納官若容縱合干人并攬納人於勸糴人戶處
乞取輒受請託入中偽攬濫惡不堪米斛依條沒納入
官外其夫覺察及知情依前發運副使宋輝畫降紹興
元年七月二日聖旨從徒二年罪科立賞錢三百貫文
許人告捉一所糴斛斗令今米分定逐州所委官各仰
躬親遍詣諸州縣與守貳令佐公共商議米訪寔有藏
蓄米斛之家推排勸誘博糴所貴貧民下戶獲免科配

如州縣官妄有辭避及施行滅裂故為阻遏并承受文
移等事依已降指揮通判監視受納一州縣人戶內有
不務體國唱說事端扇搖阻抑將羅指揮不以有無官
資許所委官及州縣將上件人收禁具姓名申尚書省
取旨施行一今來所降官告並係白身人書填如納未
之家願與有官人推恩亦仰所委官具狀申尚書省比
類遷轉並以常州江陰軍平江府委張公濟湖秀州委
梁汝嘉仍更差權戶部郎官邵相前去與張公濟及戶
部郎官徐杞與梁汝嘉並同共措置各限三日起發以
尚書省言兩浙去歲大稔近年不曾科率今韓世忠已
除淮南宣撫使非晚總率大軍屯駐上恐饋餉不足非

假借民力即無緣輯集大事故以命叔教等尋詔公濟
相與汝嘉札將分委州及兩易以相自陳本貫常州有
嫌故也十一日公濟等又言今約度所糶糧米馬料於
市價上量增價收糶米五十萬石每斗五百文省計錢
二百五十萬貫詔依其官告綾紙於數內減迪功承郎
郎各二十道承信郎三十道進義尉二十道計二十七
萬貫改支下項輕齋就給昨張公濟拘收糶本細銀等
七萬七千貫及令戶部於樁管高麗絹內支一萬五千
匹每匹作六貫見在緬內支二萬匹每匹作五貫餘不
足錢三千貫並以果折支每兩作二貫二百仰黃叔教
據逐州數目品搭均給並限五日給降了當十二日記

相言蒙差委同都運使張公濟兩浙運副梁汝嘉前去浙西勸誘博糴米并馬料今未逐州縣博糴米斛浩大合要幹辦使臣分頭使喚欲乞各差二員從祀等於見任得替待闕己未參部大小使臣內不拘常制濫逐選差日下共職除本身請給外破本等券一道候結局日住支從之五月二日尚書省言浙西博糴恐人戶有停蓄教少中糴不敷官告錢教遂改給度牒紫衣師號輕齋以從民便却慮糴買有官分多寡將中糴教少之家一例支給官告致難以變轉詔令公濟汝嘉不得徇情一縣支給告命務從民便仍各具知稟文狀中尚書省十一日侍御史辛炳言浙西諸州軍博糴米斛約束以

裝卸尺折為石加指斗面及容專專斗乞取常例錢詔
官吏專斗如違並徒二年科罪七月二十四日兩浙轉
運副使梁汝嘉言戶部侍郎姚舜明乞將每月合支都
督府軍馬草二萬三千三百二十二束每束價錢五十
文宣撫使草九萬六千四百一十四束每束折支錢六
十文共計月支草一十一萬九千七百三十六束計折
價錢六千九百五十貫九百四十文依例令兩浙轉運
司管認自六月分為頭應付支遣本司契勘劉光世一
軍每年合用馬草七十一萬三千餘束折錢五十文足
共計錢四萬六千三百餘貫半年計用錢二萬三千餘
貫蒙朝廷支降一半本錢其餘一半錢係令本司貼助

應副今來都督府宣撫司每月支單錢比之劉光世合
支單錢數目倍多本司別無可以挪撥依劉光世今年
上半年例從本司甘認應付一半錢自餘一半錢乞朝
廷貼降應付詔依其一半折單價錢今本路轉運司於
浙西州軍合發經制添酒錢內取撥應支九月八日都
省言和糴米一百萬石所糴米斛並係朝廷支降銀錢
金帛務要使國利民免科敷之擾除已約束糴買官依
市價兩平交易支還價錢不得虧損官私間前已和糴
州縣百姓入中糧斛多將支撥到糴本停留不即支還
百端阻節減尅民戶實得無幾及用倖青量遂致糴買
數少今來理宜措置革去前弊使分毫不擾於民詔如

違戾去處其當職官吏並從徒二年科罪四年正月二
日都省言近者給降糶本令兩浙江南東西路轉運司
和糶斛斗六十四萬餘石元限去年十月已前開場今
年正月終糶買數足若不比較賞罰竊慮無以勸阻詔
戶部候今年正月終比較逐司并逐州軍已糶已起數
多及糶買最少去處具轉運司并州軍當職官職位姓
名申尚書省取旨賞罰仍先次行下逐司照會三月二
十六日詔今省倉和糶米歲終及二十萬石監官各轉
一官如在任不及全年或於數外更有增糶到斛斗並
與紐計推賞七月二十二日中書門下省言勘會已降
指揮今歲依年例和糶斛斗已降糶本三百六十萬石

約糶九十萬石詔更令戶部措置錢物二百萬貫增糶

十月二日戶部言檢准紹興勅諸上供錢物及穀雖請

降特旨截留借充支撥聽被受官司執奏不行如違其

不奏及支撥官司各徒二年

元陳請截撥
官司准此

本部勘會諸

路合發上供額斛若他司申請到指揮截留借充支撥

係依上條合行執奏不行外有逐時降本和糶糧斛馬

料亦是內外指擬應付用度之數今相度欲將今後他

司申請到指揮截留借充支撥前項和糶米料並乞依

紹興勅條奏不行詔依十一月十二日戶部侍郎梁汝

嘉言契勘兩浙江南西路朝廷給降糶本金銀錢物欲

望特降指揮如漕司并諸州軍輒敢侵支借充移易其

當職官並重寘典憲人吏並行劾遣仍乞逐路提刑躬
親前去點檢從之五年正月一日詔戶部支錢四百萬
首委江西路轉運司變轉更行收糴米一十萬碩二月
十七日詔金部員外郎張成憲與轉一官監榷貨務候
洛減三年磨勘監戶部糧料院劉錫老減二年磨勘以
淮南東路安撫使韓世忠言本司大軍屯駐江上相迎
二年成憲等首尾應辦錢糧並無闕候故也閏二月二
日戶部言江浙轉運司將朝廷所降糴本金銀錢帛別
作侵用却將所糴米斛於歲計額斛或准以前年分地
欠稅賦充代公私收弊乞嚴立法禁詔如將歲斛充代
依禮支借封樁錢物法加二等科罪六月二十日詔逐

路轉運司約束州縣須趁時收糴即不得低價科敷及
容縱攬納人搔擾作孽如有違戾去處許民戶越訴當
職官吏取旨重作施行二十九日詔前廣南東路轉運
判官周綱特轉一官羅買各減二年磨勘選人比類施
行人吏五人令本司搗設一次先有是詔差綱措置分
委官於沿海產米州縣隨市價收糴糧斛一十五萬石
逐旋差雇船隻由海道搬運至福泉漳州交割如能依
期羅買起發數尺不致搔擾當議優與推恩至是本路
轉運判官章傑言其米一十五萬石並各已收糴了尺
分綱差官管押赴行在下邳別無搔擾及無陳腐濕惡
故有是命六年正月六日祕書少監吳表臣言湖湘亢

早江左浙東諸郡往往不登惟浙右稍稔朝廷近委州縣糴買其數比每歲為多欲望詔有司前日糴買止緣養兵之費有不得已者其它無得以歲豐為名並緣搔擾詔依奏令本路監司常切覺察三月一日詔權發遣撫州劉子翼與轉一官以江南西路安撫制置司都轉運提舉茶鹽常平司公事言子翼自到任節次共起發過糧米五萬三千八百石錢二十四萬八千八百貫往岳飛軍前及常州應付糴買又勸誘人戶搭補措置收糴到賑糴米計三萬一千石流離之人往往復業故有是命十月七日右司諫王紳言朝廷經理淮南招集流移放免租稅德意厚矣今聞淮西大軍所須芟芻萬數

瀚浩有只納價錢每束數十文就便買用者軍民兩利
有須本色均之揚楚泰州高郵軍者芟生陂梁採斫甚
易而科之民間今自津運監督峻急雇船倍費自楚至
泗每束百四五十文自泰至泗每束五六百文其餘以
遠近為差一州歸業之民寧有幾戶開墾荒穢歲收幾
何遽課十萬束至二十萬束雖欲竭力何所從出自致
逃移他處又復失業深可憐憫欲望特令所委官計會
本軍除願依別軍納價錢就便收買外所用本色就近
措置雇人採斫之水次拘刷官船逐旋搬運如缺相
軍渡與錢米雇人牽挽流移之民應可存濟其合用錢
米今分買芟芻州軍均認所貴軍不乏用民亦安業詔

令提點淮南兩路公事司重別措置不得依前搔擾十
一月十三日詔吳玠誠心體國措置糶買實邊回本兩
皆可嘉令學士院奉詔獎諭先是成都潼川府夔州利
州等路安撫制置大使兼知成都府席益奏昨為軍前
乏糧運遠而費廣欲議糶買得吳玠報洋梁秋穀可糶
十萬石已即時措置糶本應付故有是命二十三日詔
鄂州武昌縣令李鐸依斷特降一資以都督府令收買
大軍戰馬芟草遲滯法寺言鐸合公罪杖故也七年三
月十八日臣僚言自來和糶皆戶部預定價例收糶本
錢錢不足則貼降金銀又不足則兼用空名官告去歲
糶本戶部初欲以空名官告相兼支降後因漕司申明

止用金銀見錢其意正欲民間寔得糴本今所在百姓復言未嘗得錢豈非戶部科撥其間尚有虛數或已盡支降而州縣移易不以給民或給散之際多為滑吏甲頭輩欺取之而不及於下戶也欲望特降指揮應紹應六年江浙和糴並令轉運司具批詔令逐路提刑司限半月體究有無未支本錢及州縣給散有無欺弊保明詣實申尚書省十一月二十一日三省言金安節論諸路和糴米加耗太多如饒州一石至收四斗擬下提刑司體究上曰郡守為誰候體究得實當痛與懲戒臣男等因奏江東郡守培歛不恤民者上曰郡守以字民為職培歛不恤朕何賴焉當志罷與官覲選除循吏如國

綱陳素之流使罷者不失官觀之祿而民被憲實為兩
得八年九月四日侍御史蕭振言竊見近日除經制發
運使朝廷支降糴本收糴米斛梅留以待急闕之用臣
嘗詢浙西凡秋成米賤之時其價際以官斗每一斗民
間率用錢三百足亦有三百已下今來收糴酒是量增
價直如民間每斗用錢三百足官中酒其價隨時低昂
為之增減常使官中比民間價十分中多一二分至於
交量之際乞痛行禁止不得加耗及沮抑置官錢於和
糴場米纜入官即時支錢如盤量出剩監官計剩科罪
十分中出剩一分所差和糴官最係要緊須選用廉勤
監官並展磨勘曾歷州縣通曉民情之人凡此數者苟不違戾則今來

此下原本有
五方為脫去
未可

卷之五十五

兩除經制一司真得常平之意誠有以助國寬民矣詔
令戶部申嚴行下二十九日上諭宰執曰昨日浙東漕
梁澤民奏今秋糶買事朕嘗諭以錢給之於民宜戒減
趙穀輸之於倉無取羨餘則公私兩便糶數雖多亦恐
無害趙鼎等論昔嘗在州縣身任糶事其措置亦不逆
如此仰服聖上洞曉政要歛歛無已十月十四日侍御
史蕭振言竊見朝廷支降見錢付經制司收糶秋米訪
聞發運司程邁却一例拋降數目與諸州如此則諸州
不免拋下諸縣諸縣與科百姓是百姓受年例又添一
番科率即非今來創置經制司務欲富國寬民之本意
也經制一司張官置史止為收糶一事如何只拋與諸

州坐責成効已下程邁令本司別自選官置場收糶或
委逐州知通選差見任實不得分拋及廢刻極擾留運
選阻并加耗等事詔劉與程邁照會依已降指揮置場
收糶不得分拋搔擾十一年八月十三日臣僚言荆湖
之南即今米斗百餘錢穀價之賤未有如此時者今日
錢荒之弊無甚於湖南兼并之家積穀於廩以待凶荒
中人之產仰給者惟田而穀雖多市者少則錢益荒而
民日益困矣乘此穀賤錢荒之時特勅湖南漕司通行
和糶又近時糶本例多拋降度牒綾紙之屬漕行之即
即行之邑未免強率於民今湖南錢荒已甚若繼之以
此其何以堪乞湖南於應合上供錢內截撥支用庶幾

錢流民間可以救農傷之弊詔依奏令湖南漕司於上
供經總制及膏田錢內借撥收糶用過數目却令李椿
年吳罕將拘收錢依數撥還十二月三日詔利州路轉
運判官郭游卿陝西路轉運判官宋倉舒各持轉一官
以川陝宣撫使司言游卿等措置就於本路糶米斛補
助軍食並無缺悞乞行推恩故也十二年十一月十六
日詔令邵相取撥本路應管經總制錢并日後收到數
措置委官於汭流豐穀州縣收糶米斛令項椿管聽候
指揮先是臣僚言湖南北兩路二年之間雨暘時若年
穀順成今米價每斗止於百錢若乘粒米狼戾之時因
錢和糶俾官中得米民間得錢公私兩便故有是命士

三年九月九日臣僚言浙西州縣去歲亢旱傷損禾稼
檢放稅秋朝廷以歲歉嘗移降本於江西就糴矣而奏
額不預馬一州一縣所減不及十分之一二民間初無
儲積官司催督急於星火不免增價收糴輸納因此粒
米踴貴民之艱食甚矣而官司務於及額監繫催納勢
不能已欲望令本路監司契勘傷旱州縣和糴殘欠據
元檢放秋稅及七分目下已納及五分以上者與放免
如檢放不及七分者所欠並與寬限至秋成催納詔依
七月一日行在草糧場言本場逐年支諸軍司馬草萬
數浩瀚若不預行拋降收買應付支遣竊慮有誤指擬
戶部措置下項一今未所有買草欲令轉運司依錢均

於出產去處收買仰本司鈐東州縣將上件所降錢物
分明俵散不得少有減尅如有違戾去處仰本司按刻
依條施行一供送御馬院左右驥驥院并支寄養良馬
忠銳第五將馳坊等合用馬草近緣行在增添馬軍數
多其所用草數增添一倍以上今未將欲收插未之際
欲乞支降本錢二十六貫文下兩浙轉運司於出產州
軍依年例買撥堪好馬草分三限起發上限今年九月
終中限十一月終下限來年正月終須管依限盡數買
發數足應付行在軍馬食用從之十五年四月十二日
詔每歲諸路和糴本錢並係戶部將寔有窠名錢預行
科撥備辦訪聞所在州軍往往減尅不為盡數支俵恣

行侵用人戶所得無幾甚者橫歛脚費及容縱人史公然乞覓可令逐路轉運司嚴行戒飭州縣依時畫本給散毋致尚有奸弊違戾仍仰安撫提刑司檢察按刻以聞當重寘典憲及許人戶赴尚書省越訴七月二十一日草料場言行在百司諸軍所管驛馬歲計合用馬草依例申明收買應付支用伏望支降本錢下兩浙轉運司收買自餘數目依去_年例差本司使臣及選差見任官同往出產臨安府湖秀州鄉村橋堦見錢依私下價例自行和議收買及約束所差官才過人戶投賣草數仰即時支送價錢不得阻節搔擾除三司自行散發外所有其餘數目令買草官管認報發合用脚剩等費用

並於所降本錢內應付更不干預州縣仍從轉運司常
切檢察不得違戾從之九月十三日右諫議大夫何若
言和糴本錢志從戶部支降州縣往往不以時均散繼
令人吏減尅侵欺又其所糴米重取加耗以致出剩數
多糶充苗米却令人戶折納價錢占留盜用為害實深
詔勸有司常切覺察庶幾貪吏知畏而百姓受寔惠詔
令逐路轉運司嚴約行未如有違戾去處按劾以聞十
八年閏八月五日宰執進呈江浙湖南路和糴米斛昨
自紹興元年以後降本付逐路轉運司和糴補助支遣
今來兩國通和農民安業墾闢田土漸廣戶部財賦粗
足支用所有紹興十八年分依例合降本和糴米數欲

並與蠲免仍令逐路轉運司錢板分明曉示令人戶通
知上曰甚善因謂秦檜等曰朕向在河朔時見民間良
以此為苦蓋朝廷所降本錢往往州縣妄作名目移易
他用不即時給還人戶縱有給還去處又為胥吏多端
乞覓十不得其一二以此民受其弊雖歸和糴與抑勒
何異今幸時和歲豐軍儲稍足朕豈得已而不已宜依
所乞九日戶部言內外大軍等歲計糧斛除江浙等路
上供外昨降指揮令行在省倉并淮東西湖廣等路三
總領所收糴以廣儲蓄官中既省拋欠般運之費民間
又無抑配科擾之患恣久利便措置平江府出產米斛
浩瀚并常湖秀州等處容賑衝要順便去處欵令轉運

司於平江府並臨安府踏逐高阜空地量蓋倉教以行
在戶部和糶場為名聽客入從使中糶每歲各以二十
萬石為額又行在省倉三界紹興十七年分共糶到二
十六萬八千餘石今未住罷江浙等路年例降本和糶
米數唯藉逐倉廣行糶買今立定每歲收糶數目上界
六千石中界五萬石下界二十五萬石所有三總領所
合比做措置淮西總領所一十六萬五千石淮東總領
所湖廣等路總領所各一十五萬石所置糶場並不限
數目收糶兩平交易不得收耗為名擅行增加斗面致
有阻遏仍令逐路轉運司嚴行約束如敢違戾按劾施
行從之同日步軍付都總管鎮江府駐劄御前諸軍都

統制王勝言昨於紹興三年間軍馬在鎮江府駐劄日
年計馬草並係兩浙轉運司應付後因移軍楚州緣淮
南州縣繞經兵火民力凋弊兩浙路遠漕司一時申明
支給和買價錢權令軍中自行計置今采淮南數年豐
歉比之目前已見就緒兼係出草去處若民間就便收
刈不為勞力伏望依別路軍馬體例令兩浙淮南運司
自來年均認軍中六分馬草施行從之十九年六月二
十四日詔兩浙路應管天荒逃絕田土已措置作營田
耕種隨鄉村土色紐立租課內已有二稅田畝豁出令
人戶自行送納外將餘剩租課折納大麥稻子如上等
田合納租課二斗其田元有二稅一斗於課租內除豁

一斗與佃戶自行送納稅外其餘一斗折納馬料如收到二麥穀豆等委縣尉撮見將收到數目除出長生稻子外官與客戶中半分收內官得大麥稻子構充行在馬料支遣二十二年三月十四日宰執進呈殿中侍御史林大勇言恭維陛下惠養元元如護赤子蠲減之詔無時不下誠克殫用心而寔惠猶有未被者守令之罪也非既者不諭祖宗之舊不得已而敷之則有降本錢馬比糶馬穀則以香引錢為糶本如江陰小壘視苗拋降苗不及七萬石漕司拋下馬料才三萬三千石計今所輸之數不啻十萬石萬一窮治其事不過以為事循前例當時創創作備者官已離任吏已死徒罪責不我及焉故州

縣得以安而行之寬恤之文為牆壁具爾乞降詔誠諭
申飭守令令監司密切覺察自約束後有敢如前違法
科數將創意循例者究治同坐詔令戶部行下據定數
收糴馬料不得踰額二十三年八月九日草料場言行
在歲用馬草伏望下兩浙轉運司收買除免買三司并
南塘餘杭兩監食不盡草外餘數令本司差人往出產
州軍收買於經總制錢內支撥價錢從之二十四年八
月二十四日司農寺言行在驛馬歲計合用馬草依年
例預行約度申明支降價錢收買應付支用今來民間
將欲收成其歲計合用馬草若不預行申乞拋買竊慮
臨時難以施行申省部乞申明朝廷支降欲令兩浙轉

運司依例於買草州縣預行椿辦從之二十六年七月十六日上曰訪聞淮上米價甚平民間絕難得錢可令會問米價官中若預收糶民間得錢亦兩便也八月十四日奉執進呈淮南漕司開具到本路諸州縣米價其間最賤處每斗不下一百二三十文上曰昨聞淮南路米價極賤朕恐太賤則傷農故欲乘時收糶以惠民今具米價如是則未湏急候將來價減每石亦不下一千至時若戶部無錢朕當自支一百萬貫令收糶也沈該等曰陛下愛民之心如此可謂至矣二十八年九月十六日大理正章岵言荆湖今歲大稔米升不過六七錢漢世江南乏食則下巴蜀之粟以賑之望遣使於荆湖

措置糶米不惟有益於荆湖之農亦可以江(寬)浙民力
戶部契勘除荆湖北路總領所已承朝旨於鼎澧岳州
及京西襄陽府郢州取撥錢收糶客販米斛一十五萬
石充戍兵歲用外其湖南路今欲依所請支降本錢二
十萬貫再委轉運司選委有心力清強官於本路豐稟
汧沅州縣置場招誘措置糶買并客販米斛從之其後
侍御史葉義問言竊見已降指揮支撥錢二十萬貫下
湖南轉運司糶米內於湖廣總領所大軍倉見管糶本
錢內取撥八萬貫此錢本是總領所過年糶米支遣之
數不應更有餘剩又令湖南轉運一百截留合應付總
領所大軍米(撥)起赴建康府又欲遣使臣齎關子并乳

香套三萬貫令品格支撥若湖南州縣變賣艱難無以
取辦定行科俵望令戶部別支見錢起時收糴詔所撥
錢二十萬貫並付湖北轉運司起時收糴數不足具狀
申尚書省二十九年五月四日中書門下省奏兩浙州
軍所椿四分糴本錢係合以日生所收酒稅等係省官
錢以十分為率收椿起發訪聞近來多是妄作名色科
之於民顯屬違戾詔令轉運司覺察州縣如輒敢科擾
按劾施行許民戶越訴多出文傍曉諭六月二十四日
中書舍人兼樞密院都承旨洪遵言平江府湖秀州去
年積潦之後農民夫所流離今春蠶麥頗登得以續食
州縣不能拊摩凋瘵但知依例預將秋苗折科大麥每

米一石令民倍以麥輸欲望令戶部會計馬料見在寔
數當用幾何只令合科借處如數數折湏以苗一石折
麥一石五斗詔令戶部看詳其後戶部言湖秀州平江
府苗未折納馬料係指擬應付行在大軍今欲將已納
在官之數以苗未一石折納大麥一石五斗其多折納
過苗未出給憑由理充將來合納苗稅餘未足數日下
住行折納從本部照應年例合用價錢課撥寔有案名
令兩浙轉運司先次委官收糶應付使用不得抑勒擾
擾所有其餘合起馬料並候秋成元依數折納稻子從
之閏六月五日戶部言今來秋成不遠欲預行措置儲
蓄收糶以為賑貸之備今欲科降本錢及取撥昨常平

司賑糶到錢令逐路轉運司選委清強官置場或就客

船興販到未斛增價通融收糶

謂如市色每斗一百五
十文增價一百六十五文

仍限三日將已均撥逐州軍專委知通認數如法椿

管旬具糶到未數即仰逐路轉運司中取朝廷指揮依
數撥還從之八月二十七日詔四川州郡自今凡有拋
降和糶未應付他州者不許輒科于民專令逐路漕臣
於秋成時差委能吏往實出米處一依市價置場支本
對行收糶四川州軍錢物除合起發付行在並鄂州總
領司窠名外餘並聽從總領司支撥從右奉議郎司馬
備之請也九月一日戶部言諸路諸軍營田所收斛斗
內除撥馬料外餘並糶錢赴激賞庫送納緣諸軍歲用

馬料數多理合就撥支用仍照市價計錢中戶部內橋
管庫錢却以左藏庫錢撥還所有小麥雜豆并不通水
路去處依舊例糴買從之十月二十二日司農少卿李
澗言乞從利閭二州糴買官比附行在糴買官體例推
實戶部勘當行在三倉戶部和糴場并淮西淮東湖廣
三總領司收糴米斛各有立定歲額依已降指揮數內
行在和糴場監官每糴及五萬石監官雙員共減一年
磨勘許行分受各合減半年磨勘其三總領所糴場監
官每糴及五萬石額如係雙員各減八箇月磨勘許行分
受各合減四箇月磨勘獨員減四箇月磨勘候全年收
糴數足額數許通計并賞若管幹不及全年遇替移者

據已糴米數紐計推賞不及五萬石碩更不紐計推賞今
 來所乞利闌兩州糴買官比附行在體例推賞竊見外
 路三總領所和糴場監官已有前項立定賞格外今欲
 下四川總領所將利闌兩州糴買官收糴客人并軍食
 米如應付不缺每糴及五萬石碩比附三總領所監官已
 得指揮候全年據糴及米數紐計并賞如幹不及全年
 或任滿過替移者據已糴米數紐計推賞不及五萬石
 更不推賞從之三十年五月九日詔內藏庫降銀一十
 萬兩付戶部下兩浙轉運司起時收糴馬料大麥九月
 四日戶部言外路諸大軍歲用馬料契勘江浙湖南路
 見管和糴到米斛數多欲令逐路轉運司於年額上供

米內折納馬料仍將折納通上供米數却於和糶到米
內依數撥還起發赴合屬去處却納浙路合橋上供米
八十五萬石除平例折納料外畝於內更以米一十萬
碩折納馬料二十萬石赴平江鎮江府各一十萬碩江
東合橋上供米八十五萬石除依年例折納料外畝於
內以米八萬碩折納馬料一十六萬石內一十萬石赴
建康府四萬碩赴池州二萬石赴宣州江西合橋上供
米九十七萬碩畝於內以米八萬石折納馬料一十六
萬石內一十萬碩赴鄂州六萬石赴荆南已上折納馬
料各委逐路總領官拘催令行橋管從之三十二年二
月五日詔湖北轉運判官苑堦王趨率先收糶米二十

五萬石各減二年磨勘十月三日臣僚奏方今秋成之時粒米狼戾理宜儲蓄况數百萬之眾屯于邊鄙日張口以待哺不廣為之備可乎伏望先於兩浙江南東西福建路逐州各給度牒一十道出賣仍各給右建功郎告一道勸諭轉變錢物越時依市價收糶米斛附綱起發以助軍須度牒一道納錢五百貫省告一道納錢一萬貫省免試注官理為官戶依奏蔭體例更不改易度牒及告於本州書填給付如欲以米準錢悉從其便或有山險非汭流不出米州軍仰以錢或置輕齋到戶部委官交納却於出米州軍收糶如係小軍壘內減度牒三道若帥府外增度牒三道更增給右建功郎告一

道戶部司農寺勘會內外用度牒糧斛萬數浩瀚即次
措置承降指揮支降本錢令浙江荆湖淮南路轉運司
選委清強官置場或就各船興販到米斛收糶晚禾米
添助支用承今年二月二十五日指揮製造度牒每道
立定價錢五百貫綾紙錢一十貫及承今年六月四日
指揮立定江浙荆湖路中賣米斛不願請領價錢願補
官資之人內迪功郎八千貫今來臣僚所陳迪功郎乞
與免試注官理為官戶依奏蔭例作一萬貫本寺今欲
令吏禮部取見逐路州軍帥府合給空名度牒并右迪
功郎告下兩浙江東西福建路轉運司將今來所降度
牒并官告拘收責令逐州軍府知通勸諭請買書填轉

變錢物即不得押勒搔擾今來所降度牒官告除兩制
路外其餘路分令吏部每路各差短使小使臣管押前
去轉運司交割從之三十二年五月六日詔兩淮參已
成裁合行措置收糴令淮南轉運司委官置場趁時收
糴每路各五萬石於近棗州軍樁管聽候朝廷指揮其
合用錢仰淮東西總領所於獻助錢內先次支錢二萬
貫如不足於度牒錢內貼支餘數續行申乞支降從三
省請也以上中興會要紹興三十二年七月二十七日
考宗即位
未改元江淮東西路宣撫使張浚言而奉聖訓令措
置收糴未斛目今江浙豐稔宜趁時措置所有糴本乞
從御前支降所糴米斛全賴差出使臣及所委官趁時

措置如能用心收糶每及一萬石與減一年磨勘內有
作過及不能究心職事之人取旨責罰詔令內庫支降
銀三十萬兩餘並依孝宗隆興元年七月二十五日戶
部言內外不住添七軍馬合用糧斛比舊增廣萬數浩
瀚今來秋成不速理宜措置收糶添助支用今且以每
石作二貫文除湖北京西路就用去處已降本錢外欲
科降去年和糶外支使不盡本錢并支降度牒見錢因
子等今逐路轉運司拘收照應市價低賤去處不時價
盡本通融收糶好米欲浙西路糶四十萬石支降本錢
八十萬貫糶到米除撥付淮東統領所補湊格積米一
百萬石數外餘並赴平江府鎮江常州安頓江東路糶

三十萬石支降本錢六十萬貫糴到米除撥赴淮西總
領所補湊椿積米一百萬石數外餘並赴建康太平州
池州安頓江西路糴二十萬石支降本錢四十萬貫糴
到米並赴江州安頓湖南路糴一十萬石支降本錢二
十萬貫其糴到米並赴鄂州岳州安頓所有湖北荆南
兩路糴米更不支降本錢止令逐路漕司將去歲支降
本錢起今歲秋成盡數收糴湖北米分撥五萬石赴德
安府椿管餘並赴荆南府安頓京西米均撥赴邳州襄
陽府安頓所有今來逐路糴米約束事件並依紹興二
十九年閏六月四日已降指揮從之八月一日臣僚言
昨降指揮支給關子一百萬貫前去兩淮置場收糴米

斛臣竊以謂不可方今兩淮正是防守之地官中方委
建康鎮江般運糧食應付屯戍豈有却行迺江收糶之
理兩浙除權貴之家有積蓄米斛民間安得有未寬糶
若置場收糶則兩淮米價必至踴貴臣近見臣僚陳請
乞令廷客之家鑒前歲之患凡有未穀令自行般運無
資盜糧今欲通江收糶乃是為權貴之家省般運之費
爾欲望即賜寢罷以安兩淮之民詔咨宣撫司照會九
月十四日戶部言今年兩浙州軍田畝災傷數多所用
糧斛浩瀚又有淮南添屯大軍用度增廣江西累歲豐
歉米價位平乞收糶米一百萬石以備支使合用本錢
并起細水脚糜費錢共約計二百萬貫於左藏西庫撥

管銀內支降四十萬兩并下禮部給降空名度牒八百道權貨務印造三合同見錢閔子三十五萬貫差樞密院使臣五員管押前去專委本路沿流州軍守臣置場和糴限至今年十二月終盡數起到鎮江府總領所撥管從之二年六月十四日戶部言內外添屯軍馬合用糧斛比舊增廣萬數浩瀚緣諸路合發上供米斛所入不償所費每年支降本錢令逐路轉運司和糴米斛補湊支遣所有江東西湖南路乞先次支降本錢令逐路轉運司拘收轉變見錢樁管候秋成日委官置場或就官般興販到米斛依時價收糴所降度牒乞每道減價作三百一十二貫出賣仍乞逐路轉運司履行約束州

縣不得妄有科率如有違戾仰本司覺察按劾施行從之八月三日詔支降本錢三百四十萬五千貫付逐路沿流州軍守臣置場別項和糶米一百五十萬石戶部言去歲江西已承指揮和糶米一百萬石今歲更行收糶一百五十萬石竊慮數目稍多艱於收糶及難以起發今相度欲止依去年例支降本錢和糶米一百萬石已依年例下隆興府吉州筠州江州撫州臨江軍贛州建昌軍收糶並限來年二月終一切了畢起發付淮東總領所送紬兼契勘去年所糶未斛守臣多不用心自行措置止是分拋下諸縣又將給去年本錢侵移不盡數支遂以致搔擾不能如期辦集今欲委守倅協力同

共措置將蓄積有米之家不拘官戶編戶勸諭收糶如
不及所糶數日即却將本州隨苗水脚頭子等錢令人
戶依估定價將米折納却將所給去會子對還隨苗水
脚等錢仍更委自守伴隨宜措置若限內收糶裝發了
足守伴侵與推賞若有死慢取旨點責一今來降去糶
本與自守伴令作庫眼拘收外縣赴州地遠願就縣支
請即不得分給下縣如遇人戶納米交量訖不以早晚
赴州支請即於本縣應有管窠名錢內先次支給却將
降去糶本錢數理還並仰即時給付如有阻節減落許
行越訴從之同日戶部言外路諸軍歲用馬料依年例
於上供米內以米二十萬五千石折納馬料四十五萬

石緣今歲浙西江東田畝水傷所有隆興二年分合折
納馬料更不折細今欲每石且以一貫文省供支降本
錢三十萬貫今兩浙江東西路轉運司分撥於沿流出
產州軍置場以市價赴時收糶專委知通認數如法椿
管不得擅行侵用從之十二日戶部言今歲田畝多有
水傷去歲其內外大軍合用糧食數目浩瀚本部已申
降到本錢今江西沿流州軍別項和糶米料竊慮尚有
不足今措置欲下兩浙江東路州軍委自守臣將本州
應管人戶不以官戶富民取索下戶田畝通請縣及一
萬畝即糶(出三千石)如田畝有餘數即紐計出糶仍仰
逐州軍守臣子細取索不得將田畝及數之家容隱盡

庇及將數目不及家家押勒搔擾具市價申朝廷給降
官會子支遂其糶到未別項椿管聽候朝廷科撥起發
其水脚錢量度遠近支降從之繼而臣僚言已降指揮
人戶有田萬畝糶米三千石此指揮止謂一戶有萬畝
者不曾及下戶也緣今來所行指揮混稱通及萬畝令
糶三千石竊慮州縣胥吏因而搔擾下民今乞於所降
指揮內添改作不以官戶富民每一戶下通諸縣所有
田及一萬畝仍乞改三千石作二千五百石庶幾易辦
從之十月十四日侍御史尹穡言比年以前未穀豐饑
苗稅別無減放其上供米細亦皆依時起發猶且逐界
省倉各置糶場坐倉收糶戶部又別置和糶場糶至五

六十萬石歲計僅足近緣今夏及秋雨水為災浙西州縣多損民田而江東圩田亦因水衝蕩少有存者其兩路所納苗米除減放外必不及分數雖已科下江西依去年和糴一百萬石而隆興府歸為帥府其守臣日有申陳乞免收糴且稱除給到糴本外陪補錢數甚多無從出辦其餘州軍例皆推托控免竊慮將來所糴之數未必齊足外路和糴非去歲之比若省倉糴場又闕本錢收糴則軍儲吏俸其何以支自來緣糴米並係司農寺主管今已除張宗元充少卿乞將省倉諸界并戶部和糴場責付宗元專一措置收糴從之

宋會要 市糴 糶草三

乾道元年正月十一日詔知吉州葛立家措置和糶米三十萬碩職事修舉特轉一官立家言吉州守臣和糶米三十萬碩除已起發外用過水脚糜費一十七萬三千二百七十餘貫兵稍食米八百九十餘碩並係本州節費用度專一繕充上件起糶支遣職事修舉故有是命二十日司農少卿張宗元言竊見輦轂之下供饋至廣歲用糧一百五十餘萬碩雖全仰兩浙苗米然所得不過八十餘萬碩其餘七十餘萬碩盡係坐倉收糶及和糶客人米斛近蒙朝廷專委措置收糶至今方糶得坐倉并倉米共一十八萬碩比之去歲猶少一十萬碩

自今米價愈高縱本錢比常年足備猶慮浙中將米
穀數少收糴不足乞下戶部以大農一歲經常之費將
諸倉見在米及已撥定諸路合發綱運會約尚欠之數
却取今歲諸路泛拋和糴應副江上諸軍之餘令裝發
三四十萬碩赴行在具諸倉收到糴本錢止糴生倉米
斛湊足一歲之用若有餘則令項椿積以增儲蓄庶免
收糴客米重費糴本詔江西轉運司於已料合赴淮西
總領所交納隆興二年上供米內改撥三十萬碩前來
行在送納所有省倉并戶部糴場合糴米斛司農寺更
切多方措置廣敷收糴相兼應副支遣二月二十五日
司農少卿張宗元言今歲米價比之常年增加兩倍以

上兼浙西自此以後米穀日少必艱糴及逾年之數欲
於淮西總領所寄糴客米一十萬碩以補歲用詔淮西
總領所委官置場和糴米一十萬碩所有本錢欲從朝
廷支降仍仰每旬開具糴到米數用過本錢申朝廷照
會七月十日兩浙運判姜詵言本司每年戶部科撥殿
前馬步三司并御馬良馬騏驎院并餘杭南蕩兩監馬
草合用本錢承詔興三十一_{後前司款納酒坊息錢充本所有乾道元年合用馬草錢已依已}年四月二十九日指揮取
撥酒坊息錢或科撥實有窠名錢應副支遣詔今年馬
草合用本錢從戶部取見的實錢數於三衙酒坊息錢
內殿前司四分馬步軍司各三分徑自取撥充本收買
却將本司今年合收棧移用錢三十萬貫除朝廷科撥

仍作便

支使外餘數盡行起發赴左藏南庫送納樁管十二日
戶部言內外大軍等合用糧米萬數浩瀚今歲浙西州
軍早禾豐熟秋成有望欲下兩浙轉運司於浙西州軍
別糴米五十萬碩起赴行在者倉令項椿官所有本錢
乞於浙西逐州軍見賣度牒錢內就便截撥九十二萬
二千貫其餘缺錢乞令禮部給降度牒下兩浙轉運司
拘撥出賣湊數充本從之八月十七日臣僚言訪聞去
歲江西湖外和糴其弊非一不問家之有無例以稅錢
均敷無異二稅此一弊也州縣各以水脚耗折為名收
耗未什之二三此二弊也公吏斗脚百方乞覓量米則
有使用請錢則有糜費此三弊也官以關會價價許之

遂以輸官然所在往往折價至於輸官則不肯受此四弊也苟四弊不去欲民之不病其可得邪乞詔有司申嚴法禁力革前之四弊仍令州縣各隨其時價之貴賤鄉土之有無依昂而損益之明與天降水脚之費俾之勿得收耗通行使用關會之類俾之無所阻節且命逐路漕臣時督察之則人皆樂輸官亦易辦上下皆得其利矣詔逐路委漕臣并提舉常平官往來巡按務盡和糴之意以革四弊如安坐不恤奉行簡慢必罰無赦以俟遣使按實十月十一日執政進呈司馬仍奏乞增價和糴及禁止加量不收糜費事上曰此事只在得人若增添價直却恐又有情弊十三日執政進呈江東常平

司見在錢米數上曰可行下諸路催促起時收糴仍不
得極擾准備不測差官前去點檢上又曰聞江西米價
甚平洪适奏曰官司所以不肯承當收糴者只緣水脚
甚有所費上曰用軍中車船如何适奏曰恐亦可用容
更商議奏陳二年正月二十八日宰執進呈陳敏乞收
糴客人與販米斛并椿留帥司和糴米應副本軍支遣
上曰客人販米豈可疆糴帥司和糴米可椿留不得擅
自支動二月十三日淮南轉運判官韓元龍奏淮東路
逐年收買鎮江諸軍一半本色馬草二十五萬束赴鎮
江府北草場交納所用本錢每束一百文省計錢二萬
五千貫文係兩浙轉運司分下兩浙州軍支撥應副本

司照應本路所買馬草係是芟草八九月內收刈十月
始乾裝發之間潮水不應隔江阻關艱於津發若不別
行措置竊慮遲滯有誤支遣欲於瓜洲鎮置場交受令
鎮江府諸軍用船過江前來就支止是一水委是快便
其監官令瓜洲監鎮或監關巡檢兼管及本司依先降
指揮別差官一員同共收納就用鎮江府北草場合干
人兼行管幹更不別置官吏從之四月四日執政進呈
王炎等乞注罷和糴米上曰已糴到若干汪澈等奏曰
糴四十一萬斛上曰聞近日民間已闕食米價必增可
依注糴無至亦增其價五月十八日詔戶部別降本錢
一百萬貫以錢銀會子品搭支給選委清疆官一員就

和糴場照應市價措置招誘客人廣行中糴當官支給價
錢不得減尅作弊其糴到米令項如法椿管仍逐旬具
申尚書省六月二十六日中書舍人王曦起后舍人陳
良弼言准御封附下有詳文字為臣僚言和糴之弊臣
不避鈇鉞之誅為陛下悉言之夫和糴之法古亦有之
而今日之害獨及於民者守令之罪也何則上之所以
和糴於民者不過備國之或闕爾今朝廷地降和糴雖
有定數而州縣額外所科倍之矣朝廷隆糴本於州縣
而州縣虧減十不支一二矣名為和糴而朝夕誅求於
叫呼樵楚之間郡守縣令為陛下牧民此豈不傷天之
和氣而致陰陽之乖戾哉若以為國不可無三年之蓄

而和糴必不可罷則不若令州縣各置一場州委司戶
隸委主簿兼掌之秋成之際開場收糴火增時價以誘
致之俾轉運司嚴立約束必使無斛面之增無乞取之
弊米到酬直略無艱阻且散榜鄉村市鎮重行禁止豪
戶之收糴則貧民下戶願出米而得錢者皆欣然而未
矣若朝廷所降糴本止於官告度牒之屬當先期降付
使之變轉至開場日便得本錢如是則和糴雖未嘗罷
而有罷之之實其為公私之利豈不博哉乞申嚴見行
條法令諸路監司覺察從之七月一日戶部侍郎方滋
言今年川廣置糶到馬數倍多已分撥殿前馬步軍司
收管養銀除舊管馬草自有歲計今新馬約度關火草

數浩翰理合別項計置乞令淮南轉運司兌那本錢分
委官屬就揚州揚子橋瓜洲共買五十萬束扣州及裕
漢口共買五十萬束照應市價收買不得科數從之二
十五日詔戶部給降茶鹽欵引五十萬貫付湖廣總領
所量州軍事力均檄招誘客人請買置場糴米具糴到
米專委守臣認數椿管共約束事件令戶部檢坐前後
指揮行下以監行在省倉下界兼監戶部和糴場鄰人
傑言年未豐熟米價低平荆門襄陽郢州之米每碩不
過一千所出亦多荆門沙市鄂州管下舟車輻輳米價
亦不過兩千諸州皆有倉廩可以盛貯欲望朝廷措置
拋降鹽欵下荆門鄂州荆南襄陽等處曉諭客人承

買被得以徑去支請此得以變易錢本專委逐州通判
置場收糴故有是命三年六月三日金房關達州都統
制司言本司所部軍馬每月合支糧料並係四川總領
所逐年立為定額借數料本錢付金州和糴按月支遣
昨來本州屢經殘破艱於雜買軍糧不接不免乞耶金
州歲計軍糧及取撥常等諸司斛野差夫額船水陸般
運又官破口食倍有所費實非久計望下四川總領所
依興元府洋州體例差官前來金州置場委官措置糴
買如上件椿楮斛斗日後未有支使即乞依例於金州
夏秋兩稅糴軍糧內對換以新易陳先次兌椿詔禮部
給降度牒三百道赴四川總領所專委官前去本州措

置收糶米斛七月二十三日詔見創蓋二百萬碩倉放
所有合儲積米斛候將來秋成收糶八十七萬碩並係
約度歲計支遣外充新倉椿辦之數戶部侍郎曾懷開
具下項一欲候秋成委行在和糶場就新倉收糶米三
十萬碩一乾道三年委逐路轉運司糶米一百萬碩欲
於內指留六十萬碩充內外大軍歲計外餘四十萬碩
起赴行在新倉送納一今歲豐稔米價低小欲令漕臣
收糶米一十五萬碩前來行在新倉交納一乾道元年
降本委江東轉運沈樞收糶米斛除已糶到外尚有見
在本錢可以糶米二萬餘碩乞收糶赴行在新倉送納
以上共計八十七萬碩並係新倉椿積之數從之閏七

月二十八日教文閣直學士左朝散郎劉珙言和糴之弊湖南江西為尤甚朝廷知其害故嘗下蠲免之令矣遠方之民攀^手相賀曾米數月又復分他州縣既乏緡錢將何置場收糴民間關引無用則與白着一同每歲諸路綱運^次折少以千計多以萬計取之於此損之於彼儻有以革綱運之弊自可減和糴之數欲望降詔儻和糴之數絕白着之害以裕民力從之宰執進呈列珙劄子及進呈江西湖南常平米數上曰可於江西取十萬湖南五萬以充和糴之數令兩路繳回元給降關子庶幾不致科擾百姓為一方害也八月十三日戶部侍郎曾懷等言兩淮今歲豐熟可以就便和糴欲乞於揚州

高郵軍和州并六合巢縣令逐處守臣縣令措置置場
越此秋成依市價各和糴粟三萬碩共十五萬碩就逐處
揔管即不得科抑或尅搔擾所有本錢於建康鎮江府
糴常平米見在本錢支撥三十萬貫如有不足錢數即
於淮東茶鹽司合發今年寬剩鹽本錢內湊數支撥令
逐州守臣縣令盡本收糴從之九月二十四日臣僚言
伏見前月以來天作淫雨江淮浙閩皆被其害陛下憂
軫百姓夜不遑寐祈天禱神罄竭情懇故能銷去積陰
轉禍為福然稻穗之在田未刈者經此巨浸已同腐草
高田雖無甚損亦多芽蘖菽粟胡麻或恐絕望然則今
歲通諸路計之不得以為豐年明矣乞詔戶部將已拋

下和糶米斛之數更議搏節如果不可減則乞行下逐
路轉運司令約東州郡只得以官錢措置坐倉收糶無
得糶配於民從之十一月二日南郊赦昨降指揮兩浙
江東路州軍人戶有田一萬畝出糶必糶米二千五百
碩未納米數已降指揮並與除放所有八千畝以上合
出糶和糶米一千五百碩未有詅載可令漕臣將未納
收合出糶米數並依除放同日南郊赦令歲拋下諸路
州縣和糶斛米已降指揮令轉運司措置收糶毋得抑
配其間災傷去處隨輕重減除數目更不均下他處收
糶十二月二日詔戶部支降三合同關子一十萬貫應
副湖廣總領所量州軍事力均撥收糶其已給降茶引

二十五萬貫仰本所相度如委實變轉不行即盡數繳納赴行在從本路總領鍾世明請也四年二月二十九日高郵軍駐劄御前武鋒軍都統制兼知高郵陳敏言沿江兩淮諸軍所有戰馬合收買草料欲乞依三司則例行下所屬給錢令諸軍自行收買詔令本路轉運司依年例應到五月三日戶部言朝廷每給降見錢關子未茶引度牒乳香品搭錢銀下江浙州軍和糴米斛訪聞多不遵元降指揮置場和糴却於民間付數收糴實為搔擾理合別行措置今更不給降度牒關引欲改降新印會子品搭錢銀支降本錢一百二十五萬貫每碩大約價錢二貫五伯文省收糴五十萬碩鎮江府一十

萬碩計本錢二十萬五貫會子一十四萬貫銀五萬五
十貫見錢五萬五千貫建康府二十萬貫計率錢五十
萬貫會子二十八萬貫銀十萬貫見錢一十一萬貫池
州五萬碩計本錢一十二萬五千貫會子七萬貫銀二
萬七千五百貫見錢二萬七千五百貫隆興府一十五
萬碩計本錢三十七萬五千貫且每碩作二貫五百文
科降緣本府米價比之其餘去處低賤仍將糴本使不
盡錢認數據管準備充起米水脚支用會子二十一萬
貫銀八萬五千五百貫見錢八萬二千五百貫令逐處
各委官一員置場收糴仍每旬具糴到米數并用過本
錢申三省因用司下戶部稽考施行從之八月十八日

詔兩浙轉運司於浙西州軍豐熟去處共糴米四十萬
碩從本司委元遂州官置場依市價收糴並限十一月
終數足每糴及五萬碩所委官與減二年磨勘即不得
因科擾九月二日隆興府言本府蒙拋降和糴米一十
五萬碩緣晚田收成粗了稅賦年例糴買米斛惟仰客
舟今來上江贛吉袁撫州建昌軍亦自荒歉少得客人
般運本府難以收糴乞賜蠲免詔江西轉運司依隆興
府所申據前項所糴米一十五萬碩向收本錢均撥於
本路豐熟州軍專委守臣措置收糴五年七月二日大
府少卿總領淮西江東軍馬錢糧葉衡言今夏自二麥
收成之後米價日就減損乞支降官會數百萬道付三

總領司趁時允易錢銀收糴米糧以為儲蓄之備詔令
左藏南庫支降會子一百二十萬貫均付三總領所候
秋成收糴米斛令項椿管不得擅行支用六年正月十
四日戶部尚書曾懷等言訪聞從來委官置場和糴米
斛多是被牙儉公吏與中賣之人通同作弊比之市直
高棧價則贏落官錢所委官恬不省察或糴濕惡米斛
不耐久貯因而腐爛失陷官物今未已降本錢令浙西
江東湖北和糴竊慮循習前弊欲下三總領所及兩浙
江東湖北轉運司嚴行約束所委官究心措置趁時收
糴乾好米斛如敢依前作弊仰具名奏劾衆重寘典憲
從之十七日詔左藏南庫支降會子十二萬貫均付兩

淮總領所差官置場收糴馬料十萬碩四月十五日戶部侍郎江浙荆湖淮廣福建等路都大發運使史正志言戶部去歲降本錢三百九十五萬餘貫每斗約三百文省為率約糴米一百三十萬碩今乞依例支降上件銀會充本即係戶部今秋合降之數從本司分拋豐熟州軍隨市收糴詔於戶部窠名錢內支撥一百四十萬貫充糴本使用五日八日淮南路轉運判官胡昉言本路二麥苗稼豐茂倍如常年向去收成必廣唯是水鄉低下去處無麥可收兼民間錢竊慮難為收糴欲令遂州軍支降銀會三二十萬貫依市價收糴椿積聽候朝廷科撥或水鄉有關食人戶於內賑借候秋成日却

依所乞措置六月四日中書門下言已降指揮令兩浙轉運司

令拘收米斛送納詔令發運司收糴及取撥馬料共七

十二萬三千餘碩應副三衙等處乾道六年十月一日

至乾道七年九月終一歲支遣并收買馬草三百四十

餘萬束應副乾道七年一全年大運支遣今來正是收

刈之時自合廣行儲蓄詔令呂正己胡昉分下豐熟州

軍專委官別行收糴馬料五十萬碩馬草三百萬束料

以稻子大麥草以稻草乾芟人草相兼收買就逐處沿

流搭管合用本錢令左藏南庫支降十月八日宗正少

卿兼權戶部侍郎王佐言竊見行在日來街市米價增

長蓋緣官司和糴價數日增竊慮日後愈見翔貴有妨

細民食用今將納到綱運并見在米約度可以支充乾

道七年歲計使用欲乞將省倉坐倉并和糴場所糴客
米並權行住糴其糴本錢却行搆管候米價稍平日依
舊收糴詔戶部出榜曉諭十二月十六日中書門下言
昨來江西湖南路每歲各有和糴米數近年兩浙州軍
豐熟權行住糴今歲江浙間有水旱去處恐候來年歲
計理合措置依舊收糴欲令江西湖南轉運司各行下
所部州軍和糴米二十萬碩降本錢三十萬貫江西米
起赴建康府總領所湖南米起赴鄂州總領所搆管仍
逐旋具糴到米數及價錢本脚錢申尚書省詔江西委
龔茂良湖南委司馬倬專一措置於豐熟州軍收糴不
得搆擾闕誤二十一日戶部言兩浙州軍乾道六年分

有未起括額降本錢一十七萬一千七百餘貫內紹興
府二萬七千七百七十餘貫衢州五萬四百三十貫六
百三十七貫台州四萬六千二百八十貫處州七千五百
貫明州三萬一千五百貫秀州八千二百一十六貫七
百四十八貫欲將逐州前項未起錢委兩浙漕司於豐
熟去處置場委官收糴未斛前來豐儲倉送納從之七
年二月九日戶部言昨承指揮令兩浙轉運司分拋得
熟州軍收雜馬料五十萬碩於內起發四十萬碩赴建
康府總領所承今年正月二十一日指揮權行住糴近
據本司申已糴到二十三萬餘碩外有未糴數多若行
住糴竊慮有誤軍支用秀州元糴一十萬五千碩已糴

三萬二百五十七碩七斗未糴七萬四千七百四十二
碩三斗平江府元糴一十萬五千碩已糴二萬九百七
十碩三斗未糴計八萬四千二十九碩七斗常平元糴
三十五萬碩已糴七萬六千五百九十碩五斗一升未
糴七萬三千四百九十碩四斗九升江陰軍元糴四萬
碩已糴三萬碩未糴一萬碩鎮江府元糴一十萬碩已
糴七萬五千碩未糴二萬五千碩以上共五十萬碩除
一十萬碩就秀州括管外有四十萬碩並赴建康府總
領所納_糴除秀州住糴外餘依五月十二日權尚書吏
部侍郎兼侍讀王之奇言四川總領所和糴軍糧通水
運州軍本所自行和糴水運所不通者和糴於民又以

不足之數允糴利路沿邊諸州稅米將有名無實之錢
比折價值虧損常賦以至邊州空虛官吏請休軍兵衣
糧皆無以支給不免誅求於民常賦之外又有比橫歛
甚非實邊之策乞行下總領所應允買諸州稅米並行
蠲免令本所自行措置置場收糴從之十三日中書門
下言江淮兩浙湖南北京西州軍今歲二麥豐熟倍於
常年理合措置收糴大麥裕充馬料支遣欲依下項淮
東委徐子寅浙西委胡登常鎮江府於椿管朝廷會子
內各支一十萬五千貫收糴大麥各七萬碩浙東委沈
夏提領南庫所支降會子一十萬九千貫收糴大麥七
萬碩淮西委趙善俊建康府於椿管朝廷會子內支一

十萬五千貫收糴大麥七萬碩江東委張松元降付淮
西總領所兌換不盡三界新會子內截留一十萬五
十貫收糴七萬碩湖北京西委呂游問於元降赴鄂州
兌換不盡三界新會子內截留一十五萬貫收糴大
麥十萬碩湖南委司馬倬於元降付鄂州兌換不盡第
三界新會子內截留一十二萬貫收糴大麥八萬碩詔
並依擬定仍令依市價收糴八月十七日宰執進呈兩
浙漕臣糴摭積未上因宣諭曰洪範八政以食為先而
世乃不言財穀邦之有儲蓄如人之有家計欲不預辦
得乎梁克家奏曰儒者宜知體國事法以國比家事何所不辦
同日淮東總領蔡沈言本所攝管米除取撥外尚有米

一萬六千餘碩。雖近蒙指揮令江西和糴米內取撥一
十萬碩赴本所。搆管若無他欠除網運破耗外通不滿
十萬碩。乞科降官會本錢付所。委官諸處置場依時價
收糴。同本所見搆米一處。搆管詔令鎮江府於搆管朝
廷會子內支撥四十萬貫付蔡洗收糴二十萬碩。與見
搆米一處搆管十一月十七日大理正兼權吏部郎官
馬大同言被旨差措置拘糴江東轉運司和糴米斛。今
條具下項一江東運司糴米本錢內度牒五百道。恐期
限既迫難以變轉。乞許將自今未賣度牒與換作官會
子行用一緣江東轉運係在建康置司。其運使張維自
合日下起發往本路州軍措置收糴外未審大同合與

不合亦去前路州軍欲令大同從便相度施行一所拘
催和糴到米斛候見成數乞徑令本路轉運司隨所在
和糴去處令項椿管如有移易借用去處依擅支封椿
錢(法物)徒二年不以覺舉去官赦降原減斷罪並從之
八年六月二十一日詔知江陰軍潘甸於本軍置場和
糴到米三萬碩並係本軍自行收糴不曾下縣可特轉
一官與陞擢差遣九月二十六日詔胡元質依已降指
揮收糴米一十萬碩隨市價支還價錢每三日一次具
實直市價申三省樞密院十月二十八日權吏部尚書
兼提領左藏南庫張津言省倉下界係在關外水道疏
通各舡順便自來收糴客米多是本處置場豐儲倉收

糴米斛已是多日糴到米數目不多竊恐過時令欲乞於下界更置一場委官收糴搆管從之十一月十一日詔回諸州軍今年和糴米斛共六十二萬碩除秀州已糴米一十萬碩赴豐儲倉送納外平江府取撥一十萬碩常州一十二萬碩並起發赴淮東總領所大軍倉交納令本府守臣與總領同共認數搆管不得擅行支使餘並盡數起發赴行在豐儲倉送納十二月十三日中書門下言湖廣總領所搆管米見在數目不多訪聞江西湖南及黃州漢陽軍等處今歲豐稔米價每碩不過一貫四百文台措置收糴搆管詔令李安國取撥本所見搆管直使會子五十萬貫委官於豐熟州軍置場起

時收糴並發赴鄂州令守臣認數撥管閏正月七日李
安國言本所見今就鄂州置場收糴下等大禾米每碩
二貫七百省係淮南併復州等處米中等占米每碩二
貫六百省係禹澧州米下等占米每碩二貫三百省係
淮南米朝廷行下會子不無折閱若用會子一貫四百
文省得米一碩以見錢紐算每升只計錢八文四分足
自舊即每上件價例竊恐傳聞差誤未敢擅便施行詔
令李安國將昨取撥本所見撥管直使會子五十萬貫
照應在市實直疾速盡本收糴二十六日詔兩浙江東
西淮東湖北京西路轉運司淮東西湖廣總領所將來
年合收買諸軍經常馬草並據近年實認本色數目各

於管屬路分州軍見椿朝廷草內先次收撥津發應副
支用却將本年內買到新草對數撥還依舊椿管不得
違悞月具已取撥并已未撥還草數申尚書省仍各劄
下椿草州軍常切如法覆護以新易陳毋致腐爛及先
次開具見椿草數申尚書省若將差來官照檢得有損
壞去處即勒本州軍陪填及將當職官吏取旨行遣凡
年正月十一日臣僚言省倉豐儲倉等處收糴米斛有
二曰坐倉和糴曰收糴客米其收糴客米係戶部專一
置場招接收糴客人販到米斛每糴及十萬碩監官二
員各減磨勘一年猶謂賞太優厚而所謂坐倉和糴者
乃收糴軍人食不盡米每遇支散軍糧之日戶部輪委

所轄釐務官諸倉受等收糴其米不曾出倉而乃收糴
客米之例至有一任之內減磨勘一二十年者豈不僥
濫欲乞坐倉收糴軍人情願糴米者更不推賞從之九
月九日詔秀州平江府台委官置場趁時和糴米五萬
碩知通認數據管聽候朝廷指揮限至年終收糴數足
所有台用價錢每碩約以二貫五百文省令提領左藏
南庫所以會于支降十九日知鎮江府黃鈞言淮指揮
踏逐本府及總領所近水次順便空閑倉教及無用官
舍委官置場收糴米一十萬碩就本處搆管竊緣本府
所產米穀不多全仰淮南上江客旅米斛接濟食用若
依市價招糴恐傍近州縣必有客旅前來中糴糴米一

十萬碩約用教屋五十餘間尋差官踏逐既無空廩亦無官舍寺觀可以指準乞別措置施行從之二十一日中書門下言詔令淮東西總領所各委官置場趁時依市價收糴五萬碩就本所認數撥管聽候朝廷指揮所有合用本錢內淮東總領所於鎮江府淮西總領所於建府見撥管朝廷會子內作料次取撥每料不得過三萬貫如逐處撥管會子數少即疾速約度所少數日申乞支降十一月十二日知建康府事充江南東路安撫使兼行營留守洪遵言本府近被旨支撥撥管會子置場糴米一十萬碩限至十二月終數足今來止糴到米二十八百餘碩緣本府管下水旱相仍災傷僅及五分

所收米穀尚恐民間不足食用雖有客販米斛盡是私
木小米久遠不可貯儲雖分頭差官往淮南收糴其淮
南州軍例皆禁止民間糶米不得下江委是艱於收糴
詔建康府止糴五萬碩餘五萬碩令淮西漕臣措置收
糴於和州無為軍并巢縣搃管以上乾道會要